

## ШЕСТЫИ ЧАС

Приидите, поклонимся (трижды, и поклоны три).

[Псалом 53.](#)

[Псалом 54.](#)

[Псалом 90.](#)

Слава, и ныне. Аллилуия (трижды). Тропарь по уставу.

**Аще ли же пост, глаголем сии тропарь, трижды:** Иже в шестыи день же и час, на Кресте пригвождён, Иже в рай дерзновенный от Адама грех, и согрешении наших рукописание раздери, Христё Бóже, и спаси нас.

**Стих:** Аз к Бóгу возвах, и Господь услыша мя.

**Стих:** Вечер и заутра и полудне, повём и возвещу, и услышит глас мой.

**Слава, и ныне, богородичен:** Яко не имама дерзновения, за премногия грехи наша; но Ты, иже от Тебе рождашагося, моли Богородице Дево; много бо может молитва Материя, на умоление Владыки: не презри грешных мольбы Всечистая; яко милостив есть, и спасти могши, Иже страдати нас ради изволивши.

**Аще ли пост, чтется паремия, и в лестнице: Таже:** Скоро да предварят ны щедроты Твоя Господи, яко обнищавом зело, помози нам, Бóже Спасителю наш; славы ради имене Твоего Господи, избави нас; и очисти грехи наша, имене Твоего ради. **Трисвятое, и по Отче наш, кондак, по уставу.**

**Аще ли же пост, глаголем тропари сия, глас 2:** Спасение содея посреде земли, Христё Бóже, на Кресте пречистей рuce Свой простер, собирая вся языки вопиющия: Господи, слава Тебе.

**Слава.** Пречистому Ти образу поклоняемся Благии, просяще прощения прегрешением нашим, Христё Бóже, волею бо благоизволил еси взяти на Крест, да избавиши их же созда от работы вражия. Тем благодарящее вопиём Ти: радости вся исполнены, Спасе наш, пришедши спасти мир (**поклон великий**).

**И ныне.** Милосердия сущи источник, милости сподоби нас, Богородице, призри на люди согрешившия, яви яко присно силу Твою, на Тя бо уповаяще: радуйся, вопиём Ти, якоже иногда Гавриил, безплотным архистратиг.

Господи помилуй (40). Иже на всяко время. Господи, помилуй (трижды).

## Шестыи час

Автор: Павел  
22.03.2012 15:03

---

Слава, и ныне. Честнейшую херувим. Именем Господним благослови, отче. За молитв святых отец наших. И сотворяем три великия поклоны, глаголюще молитву: Господи и Владыко животу моему. И прочих метаний (12). И скончавше поклоны, глаголем прежде писаную молитву: Господи и Владыко животу моему. И поклон един. Таже: Владыко Боже, Отче Вседержителю.

Аще ли кроме поста, глаголем молитву сию:

Бóже и Гóсподи сíлам, и всея твáри Содéтелю, Иже за милосéрдие неизречéнные мíлости Твоея, единорóднаго Сы́на Твоегó, Гóспода нáшего Иису́са Христа́, низпослáв на спасéние рóду нáшему, и честным Егó Крестóм, рукописа́ние грех нáших растерза́в, и обличíв тем нача́ла и вла́сти тмы. Сам, Влады́ко Человеколю́бче, приими́ от нас грéшных, благодарный сия́ моли́твы, и избáви нас от всякаго всегуби́тельного и мра́чнаго грехопадéния, и всех и́же озло́бити нас и́щущих, ви́димых и неви́димых враг. Пригвозди́ стра́се Твоём плóти нáша, и не уклони́ серде́ц нáших в словеса́ и помышлéния лука́вствия, но любóвию Твоею́ уязви́ душа́ нáша, да к Тебé всегда́ зри́юще, и е́же от Тебé срéтом наставля́еми, Тебé неприкосно́веннаго и присносу́щнаго зря́ще Свéта, непреста́нное Тебé испове́дание, и благодарéние возсыла́ем, безнача́льному Отцу́, со единорóдным Ти Сы́ном, и с Пресвяты́м и Благо́м и Животворя́щим Ти Ду́хом, ны́не и прísно и во́ веки веко́м, ами́нь.